



USAID
OD AMERIČKOG NARODA

USPJEŠNA PRIČA

Zaposleni mladi koji doprinose razvoju društva, umjesto novih socijalnih slučajeva

Omladinska organizacija „Demokratska organizacija mladih“ Velika Kladuša



Naziv projekta: Mladi i zajednica – Imać pravo da znaš!

Trajanje projekta: 12 mjeseci

Vrijednost projekta: 23.354 KM

Lokacije provođenja: Unsko-Sanski kanton; Općine: Velika Kladuša, Cazin, Bosanska Krupa

Ukratko o projektu: Projekt ima za cilj smanjiti broj slučajeva trgovine ljudima u tri lokalne zajednice Unsko-sanskog kantona putem aktivnih mjera prevencije uz izravan kontakt s potencijalnim žrtvama trgovine ljudima a u suradnji sa svim zainteresiranim stranama

Nemam roditelje, posao, topao dom...Imam li budućnost? Zaslужujem li život dostojan čovjeka? Tražim li previše?

Pita to Aldijana, pita Salmir, ali i sva ona druga djeca bez roditeljskog staranja, rasuta po domovima i različitim ustanovama, rasuta po Bosni i Hercegovini koja, o njima nije dužna brinuti kada napune osamnaest godina, kada pravno steknu punoljetstvo. Do punoljetstva mogu boraviti u ustanovama u koje je smješteno oko 2000 djece u BiH, ali nakon toga najčešće nemaju gdje.

Djeca bez roditeljskog staranja jedna su od najosjetljivijih grupa sa margine bh. društva i kao takva zasluđu posebnu brigu i pažnju. U Bosni i Hercegovini bez roditeljskog staranja živi od 2.500 do 4.000 djece, a skoro polovina njih je bez oba roditelja. O njima vlasti i društvo moraju brinuti, jer nemaju nikog drugog ko bi im mogao pomoći. Ova djeca, često su zaboravljena od strane društva i medija, a često bivaju i stigmatizirana od strane okoline.

Da zasluđu svjetliju budućnost i šansu da postanu ravnopravnim članovima društva odlučila je pokazati Omladinska organizacija „Demokratska organizacija mladih“ Velika Kladuša i USAID-ov Program podrške marginaliziranim grupama (USAID/PPMG) i to na način da im osigura zaposlenje.

Demokratska organizacija mladih prvo je uspostavila saradnju sa institucijama koje su dužne brinuti o ovoj populaciji, a onda poduzela i konkretne korake.

Tako je u okviru Inicijative za podršku za zapošljavanje mladih bez roditeljskog staranja na području USK potpisan Sporazum o saradnji sa JU Služba za zapošljavanje USK i JU Socijalno-pedagoška životna zajednica Bihać, a potom osigurano i zapošljavanje petero mladih bez roditeljskog staranja.

Demokratska organizacija mladih pokazala je da društvo kroz malo proaktivnosti, dobre volje i empatije može osigurati značajno bolje uslove za život osobama bez roditeljskog staranja, a mladi da itekako mogu doprinijeti razvoju bh. društva.

„Truditi ću se da opravdam povjerenje.“ – to poručuju mladi kojima je pružena prilika i sigurno hoće!